

# OMUKUETU

N:o 5

M E I

1951

UULALELO UUNENE.

Luuk. 14: 16—24.

Kristus ota hokolola mpaka omuene guegumbo ngoka a diki uulalelo uunene, ihe aahijua inaa hala ko. Kehe ngoka oku nomaimbo ge, sigo omuene guegumbo oti icana iilema naaposi jopoompagila doondjila, ihe najo uo oje nokuciminikua je je mo. Sigo omuene gnoshituci te ja tokolele epangulo edigu: kape nando gumue maahijua ota ka makela oshituci shandje.

Omuwa muene ota fatulula ejele ndika. Omujenda gumue guomoshililo sho ta ti: „Omunelago ngoka ta ka lja oshikuiila moshilongo sha Kalunga,” Omuaa ota mu jamukulile ehokololondika. Cje rejcoloko erere jekati koshilongo shokombanda jevi na shijaka shomegulu. Kombanda jevi taku liua sigo ela olja kuta, naantn ohaa hakana iikulja ja tja ngaaka jokolutu. Moshilongo sha Kalunga omu niikulja jilielela. Ka'unga muene cti icanene ko aantu sigo ongulu je oju uda. Omuaa Kristus ota hambelele nuanaa neilohenca lja Kalunga, oje sho ta longekida oshituci shi cike mpa, no ti icanene mo aantu oohepele jokombanda jevi ja lje koshililo shimue no pamue naje muene. Oje ota holola uo eikutiko ljaahijua, oje sho taaji ikuatele kuaambika jokombanda jevi no taa dini ngeji oshililo shomegulu sha guana oku ja paluca aluhe sigo aluhe.

Pakutalua pambepo, Omuaa Jesus Kristus muene, oje iikulja juulalelo mbuka. Kalunga oje omuene guoshililo. Kalunga okua gandja Epona lje a valua komuntu, a hepekua, a dipagua, a longekidua ngashi iikulja taji longekidua. Ngashi oshimuna tashi dipagua no tashi jocua komulilo, osho Epona lja Kalunga a dipagelua komushigakano, nokua jocua muupju uo hoole a ninge onzigona jetu jopassa.

Ihe ombelela itaji kala komakala sigo aluhe, aue, nge ja pja, oje otaji tulua koshililo, no taji liua, opo ji talaleke no ji koleke omalutu getu. Osho uo Kristus a kucua komushigakano, a fumvikua nokua jumuka kuusi, opo iikulja mbika ji longekidilue uujuni auhe. Oje iikulja ja shili kaajuda no kaapagani.

Shaa mpoka ope negongalo llopakriste, opo mpoka ope noshililo. Euvico ljevangeli oljo oshijaha shokukuatela iikulja mbi. Iikulja oje Kristus. Aauvici oje otaje mu humbatele kaant. Iikulja ji li moohapu amuhe. Ajehe taje ji topolelua moku dipulakena. Shaa ngoka ta pulekene, ote ji peua, niikulja mbika oja guana okukutica uujuni auhe. Oitaali kehe ota peua Kristus aguhe, ihe nando ongeji, oje ita shonopala.

Iikulja mbika otaji topolelua uo uujuni auhe. Kristus okua si omolu oondjo daajehe. Ajehe otaa icanenua koshililo shika.

Ajehe taa icanua ja ka pulakene euvico ljevangelili. Mpoka ope noshijaha shoohapu devangeli, nomuhumbati guoshijaha, kokutja omuuvici, nisheue eitaalo lja shili ljomomuenjo, opo mpoka omuenjo guomuntu tagu tameke okulja iikulja mbika jomegulu. Mpoka Kristus otu uvicua, no ti itaalua, ngashi a hololua mevangeli, opo mpoka oomuenjo tadi palucua kuje.

Ombelela ja pakua po naua otaji koleke olutu luomuntu. Osho uo iikulja mbika jomegulu taji koleke no taji paluca. Sho ndi itaale Kristus, omuenjo guandje otagu kolekua no tagu palucua kuje, no nda lola uutoje uelaago no uomuenjo gualuhe. Muudigu no muuehame uetu auhe otatu pumbua iikulja mbika. Oomuenjo da haluka no da soluhodi, nge odu uvu, nkene Kristus okua li te ehamekua nokua dipagelua komushigakano, na nkene oje oti igand ele kuaamboka ja sonajala no ja senota no taje ehama, odo ngele tadi shi itaale kadi nomalimbililo, nena oomuenjo da loloka no da soluhodi otadi talalekua no tadi kolekua. Neitaalo lja tja ngaaka otu nokutaamba edimo po ljoondjo, nuujuki, nomuenjo gualuhe, nelago mu Kristus.

Na ngoka a lja ngaaka Kristus, oje ita pumbua okutila ue. Sho ndi na Kristus, uulunde neso, nondiabolili itaji vulu sha. Osho ngeji iikulja mbika taji hu-

pica meso. Ngoka te ji makele nokuitaala Kristus, oje ita mono ue eso, ihe ota ka kala e nomuenjo gualuhe. Kristus muene ota hokolola iikulja mbika, sho ta ti: Ongoka ta li onjama jandje no ta nu ombinzi jandje oje e nomuenjo gualuhe, no tandi mu jumuda esiku lja hugunina. Joh. 6: 54. Kokutja ngoka ti itaale Kristus, oje ita sindua keso. Nando olutu talu si, Kristus sho ku li muje, na oje mu Kristus, nena muje omu noonkondo itadi sindua keso. Kristus oje iikulja je, na muje omu nomuenjo gualuhe.

Nosho uo Kristus oje uujuki ua guana ua pua. Uulunde kau mo muje. Ngoka e na Kristus, ngoka ta li iikulja mbika juujuki, oje ota juukipalicua kiikulja mbika. Uulunde itau vulu oku mu pa uusama manga Kristus oje iikulja je. Nando uulunde omo u li momuntu, ouo itau vulu sha, manga omuntu ta taalele Kristus guokoluljo lua Kalunga no ti ikuatele kevangelili tali mu hokolola. Omuntu nando ta peua uujuki mbuka kau shi uomue, aue, uomu Kristus.

Osho uo enjanju lja guana lja pua oli li mu Kristus. Oje ita soluhodi no ita pusha ue ombinzi ngashi mu Getsemane, ihe oje oku li menjanju kali uapa sha. Na ngoka oje enjanju ljoljene, oje a ningi iikulja jetu tatu mu pakelua pe moohapu a taambelue meitaalo. Otse mbaka jokombanda jevi ngele tua ekeluahi, no ti noluhodi noocina, tu endeeleni okulja iikulja mbika jenjanju mu Kristus tu talalekue. Ngashi Kristus oku nenjanju nomuenjo, o no natse uo tu gu na muje. Oocina nge tadi tu pond, otu nokutaalela Kristus ngoka kee na ue oluhodi noocina ndi talaleke no ndi koleke ngeji omuenjo guandje. Mu Kristus ondi nenjanju, netalaleko, nombili. No nando kandi ji uvite ja guana natango, sho nde mu taamba meitaalo, oje tuu otandi mu inekele.

Nando eso otali ada ndje, no nando omazinjo otaga li olutu luandje, no nando uujuni auhe otau hulu po, ongame otandi ka jumuka mu Kristus, oshoka oje okua jumuka, no ku nomuenjo.

Uulalelo ouo tuu mbuka Kalunga Tate e u longekida, ine u longekidila aantu jaali nenge jatatu ajeke, aue, okue u longekidila uujuni auhe. No nando pu kale omauujuni gaali nenge ogendji, uulalelo mbuka tau ga guanene agehe ga uape okuhupicua muulunde no meso no mondiaboli, shaa tuu tagi itaale evangeli, no taga li iikulja mbika. Uulalelo mbuka ua Kalunga uunene u cike mpoka.

Iikulja jokombanda jevi otaji kutica okacimbo kouala, no taji hulile kombila. Ihe uulalelo mbuka uunene otu paluca, notau koleke, no tau talaleke, notau gandja enjanju, nomuenjo, nelaago aluhe sigo aluhe. Ngashi iinima mbika ajihe ji li mu Kristus, osho ji li uo mu ngoka te mu li. Otu nokuja ouala kuulalelo mbuka uunene tau liua koshililo sha Kalunga.

Mehokololo ndika Kristus te tu kumagida tu ideule shili meitaalo, tu mu taambe ngashi a hala okukala iikulja joomuenjo detu, uujuki uetu, netalaleko, nenjanju, nomuenjo guetu, tuaa halukicue ue kuulunde, nokeso nokondiaboli, oshoka ajihe mbika oje okue ji sindi.

Otse aantu itatu vulu okujanda eso nuulunde, aue, aluhe u li komeho getu. Kaku nekuaco lili, aue, oljo alike tu je kuulalelo mbuka uunene tulje Kristus, tu kale tu mu na, tu uape okutja: nando uudigu ua ada ndje, Kristus ita tila, nando uuvu ua kuata ndje, Kristus ita si, nando uulunde tau kondeke ndje, Kristus megulu ita ningi omulunde, nando ngame omuunaji, Kristus megulu oje omuuanaua, nando ngame nda nik' oluhodi, Kristus oje enjanju ljoljene, ngame ngele ohepele nomukueji, Kristus oje omujamba nomunamutimahenda noku uda etalaleko. Oje sho ita sindua kondjala nokoluhepo, nangame uo ite sindua, oshoka oje oguandje, na ngame ogue.

Uulalelo mboka ua longekidua ua guana ua pua, ihe Kristus ota jemata uukukutu uaamboka itaa ja koshililo shino, ihe otaje u dini no taji ikongele iikulja jilili; itaa ja, sho je nomapja noongombe noondjokana

Okukala nomapja noongombe noondjokana kaku shi oshiponga, oshoka iinima mbika uo tue ji pe-ua ku Kalunga, ihe mbika ngele taji tu imbi okuja kuulalelo mbuka uunene, nena oja ningi oshiponga.

Omuntu nguka a tja: Omunelaago ongoka ta ka lja oshikuiila moshilongo sha Kalunga, Jesus ote mu jamukulile nehkololo ndika a fa a hala okutja: oua popi naua, otashi vulika uujuni auhe u kale u nelaa-go u lje oshikuiila moshilongo sha Kalunga. Uu'alelo ua longekidua, andola aantu itaje u dini ouala. Ongoje na mboka je ku fa mua longekidilua elaago, andola ne jene mua hala okuja mo. Oshililo sha Kalunga osha jaalua, ihe openi taku zi aajenda taa ja kiikulja mbika? Aahiuu itaa ja, na mboka Kristus e ja kujo, ojo inaje mu taamba.

Ha omapja noongombe noondjokana tadi indikua. Aue. Ihe megalikano l'Omua otua longua okuindila tango: edina l'joje nali simanekue, oshilongo shoje nashi je, nehalo l'joje nali guanicue, opo tapu landula: tu pa onena oshicima shetu shesiku kehe. Osho iini-ma ji nokulandulacano. Osho tua lombuelua tu galikane. Elandulacano ndika kali shi kulundu'elua.

Evangelii otu noku li uva tango, ela opo tali kuticua. Ihe ngoka te eca evangelii omolu ela, oje e nokugeelua. Aajuda ja ji komapja gauo, aakatoliki otaa longo iilonga jauo, ihe Kristus a cigala peni? Iikulja ja shili oja dinua, ihe aantu otaa itelekele omafuma nomajoka niinamuen, o iikuauo ja njata. Oohepele naajamba, ajehe otaaji ikuatele muambika taji hulu po, no taa dimbua Kristus nevangeli l'je. Mu Kristus ja li je na ajihe ando'a, ihe ojo inaa hala okuja tango ku Kristus, opo ja peue uo omapja noongombe noondjokana. Osho shoka Kristus ote shi jematele sho kape na ngoka a hala evangelii, ihe ajehe otaaji iguanena noonkonkolosa nomazinjo gauo.

Omuene guoshililo a tumbula epangulo edigu: Kaku na nando gumue maaicanua ta makele oshituci shandje. Kokutja ojo ajehe oje nokulungunicilua momulilo guoheli, o kaje netalaleko aluhe sigo aluhe. Kaku netalaleko nenge enjanju, nenge omuenjo, nenge uujuki palwe, aue, mu Kristus amuke. Ngoka ta dini Kristus, oje oku nokukala meso uo muulunde no muuehame uoheli aluhe sigo aluhe.

Uujuni kau shi kupukululua, ihe tse otu nokupukuluka tu itaale Jesus Kristus tue mu etelua mevangelii, oshoka ngoka ti itaale Kristus, oje oku nomuenjo gualuhe no nando oku uvite natango uu-lunde neso noluhodi, oje oku na tuu uujuki nomuenjo netalaleko nenjanju megulu mu Kristus.

Martin Luther.

## IIPONGA

Iiponga neso ljombadilila olja uda muujuni. Aamati jokUushimba taje tu hokololele ngeji:

Mu Orangemouth Johannes Shifima a mono, nkene omumati omunama a guilua koshitenda nokua si.

Natanael Hesekeel a mono, nkene oshiauto sha huama omulilo.

Onesimus Akaua mu Luderitsbaai okua mono, nkene omuuambo a dengua kondoloma mokuhelula iinima. Kalunga e mu gamene, ina sa mpoka. Omuuambo omukuauo a guile moshilambo, naje uo a game-nua ku Kalunga. nando aantu inaje mu inekela ue ota hupu.

Mu Abenab Sosipater Mateus a mono, nkene epaja lja kuata aalumentu jatatu no lje ja fala mesina. Gumue a tetua okooko, gumue a tetua ominue dokoompadi, gumue a guile komina a li koho jomamanja inage mu teta.

Mu Maltahohe Erasmus Erastus a mono, nkene odila ja guile pevi, nomulumentu a adikila mo, omutse gue gua tatuka.

Mu Windhoek omuuambo a sile ketungo ljongulu eso ljombadilila.

Mu Swakopmund Johannes Eliakim ta hokolola omuhona guolutenda, nkene a si ombadilila.

Mu Grootfontein Filippus Shikomba ta hokolola omisisi, nkene a pile mondjugo je muene.

Andreas Intamba mu Windhoek a mono nkene iiauto iijali ji idenge kumue. Nani Kalunga a gamene aantu, ojo inaa sila mo.

Mu Johannesburg Lukas Ampolo a mono omvula ja fejeelu. Oja teja omi noongulu.

Omundonga gumue a gua mo mondololi, no a ljatua, nokua si. Omuuambo omukuauo a dengua koshitenda o hidigu nokua si.

Mu Tsumeb omusamane Petrus Kamati a adika mondjugo je a lala a sa.

Ajihe mbika taji tu dimbuluca otse aakriste atuheni tu nokukala tua tonateni ecimbo kehe, oshoka inatu tseja Omua guetu ote ja otundi jini. Otse inatu tseja ecimbo ljeicano ljetu ljokuza muujuni mbuka.

## MOKAUATO PU KUNENE.

Momumvo nguka 1938 onda li nkujaka kaaputu. Nkujaka onda li tandi longo pomuputu gumue okua li e hole uukongo.

Esiku limue otua ji kuukongo sigo otua ji nkujaka komulonga gua Kunene. Ano sho tua li tua tula ponanda ndijaka tui ihogololele, pu tse opua li pue ja omusamane gumue. Opo tuu mpoka omuputu ngujaka okua pula uo mpoka pu na iijamakuti. Ngujaka okua ti: „Ohandi'aka ja Kunene, oko ku na iijamakuti ojindji.” „Tu kuaca ano oku tu fala handijaka kiijamakuti,” omuputu osho a ti. Omusamane a zimine.

Esiku lja nofu omusamane e ja oku tu fala. Sho tue ja pomulonga, okua ti: „Tu jeni ano mokauato.” Aasamane jaali, nosho na ngame, otua ji mo; omunakauato okua ti: „Ngele tamu mono okauato taka endekele luokuumbangantu, nena one omu na okudiginina shili mu gameke oonkondo deni luokuumbugantu; ngele okuumbugantu, one omu na okugama kuumbangantu.” Shika okue shi popi opo okauato kaa tenguke. Tse otua li inatu diginina nando okuli.

Okauato sho ke endekele kombinga jimue, na tse oko tua gameke oonkondo detu sigo okauato ka tenguka. Otse no tua guile momea. E'ago enene, omeja ga li ashike ge tu tsa moontulo. Opo mpoka otua galuka mo uo ihe.

Omuakriste omukuetu, ino ninga ashike omupulakeni guehokololo ndika, aue, nali ku longe uo sha, oshoka otse na ngoje, otu na oohapu da kala d'Omua guetu Jesus, odo tuu doka tadi tu indike tuua lambalale oondjila duu'uni mbuka. Oshoka nge tatu shi ningi, otatu guile mo muulunde raboka tau eta eso mu tse. Aamuameme, tu hedeni shili nokupulakena omalondodo g'Omua.

„Onke ano tu nokudiginina shili doka tue di uuvu tuua falafalue kefundja.” Kaaheberi 2:1.

Onke ano Ombejo Omua ngashi taji ti: „Inamu kukutika oomuenjo deni.” Kaaheberi 3:7.

M. Shikongo.

## OKUENDA NOKUTUNGILA MU KRISTUS.

Omuapostoli u'Omue, Paulus ta holola naua ntumbi ou e li mu Kristus a kale a tungila mu Kristus nokuenda mu je. Ofie jo ovasikuli va Jesus no hatu pulua jo otu li tuu mu Kristus. Eendjovo edi otadi tu tamaneke sili, osesi katu mo mu Kristus na itatu dulu okuenda nokutungila mu je. Oukriste ngenge inau kola, kau uete ondjila, otan tengauka, inau pama, kesse omukriste ngenge okue lijukila nondjila jaje muene, kape na eudafano, ovantu inava hala okupukululua keendjovo da Kalunga, ve na omaunongo e lili no ku lili tave litalaleke nao. Ohava hafele oipue nomalunde ovakuao. Oukriste ua tja ngaha ou na epuko, kau li mu Kristus, inau tungila mu Kristus.

Omuakriste omukuetu, efa okuijukupalifa muene, Kristus e ku endife muene. Liekela momake aje ngashi u li. Ote ku tumbula.

Paulus Andreas.

## ONKUGO NOLUHODI.

Ombepo ja Kalunga oja penduca oluhodi momuenjo daagunduka jamue omolu uulunde. Oombilive dauo tadi jamukulua ngaaka:

Omugundjuka, ongoje ua njola katja: „Nda kanica esilohenda moka nda taambelua mo.” Oua dimbulukua tuu esilohenda ndjoka Kalunga e li ku holo-lele, sho kue ku taamba mehangano naje meshasho e-japuk. Ehangano ndjoka a hangana na ngoje, oljo o-ljaaluhe ro lja kolelelela. Dimbulukua: kombinga ja Kalunga inaku lunduluka sha, ihe kombinga joje kue ja uulunde ue ja pokati, no ua tungu mu ngoje omalimbililo. Oluhepo nduka u uvite oluo ekonkolo. Jesus ta konkola e je mu ngoje. Mu egululila e je mu ngoje nokusilohenda kue kualuhe.

Ongoje to ti: „Ongame nda njengua kokukala kuandje. Oomuenjo detu aagundjuka odi li po da kanena muujuni.” Ongoje sho ua njengua ngeji ota ciki peha euanaua. Ihe opu na oshiponga peha ndjo, sha kuatele po ojendji. Osho eijekelilo. Aaisrael sho ja li taa lika komajoka mombuga, Kalunga a lombuele Moses: „Jelua ejoja, shaa ngoka ta tala kejoka, ota hapu. Osho ngoje uo, kuca omeho goje muunjenugui uoje, tala Jesus. Mu tala meitaalo u hupe. Oomuenjo deni tala ningine mefuta ljuujuni ongo Petrus mefuta. Kehe ngoka kuga u te: „Omua hupica ndje” Tala oshikaha shomuhupici oJesus tashi ku toola. Igan-dja kuje, ngashi u li, u hupe.

Ongoje to ti: „Sigo unake ndi li muupika.” Jesus ote ku popica ta ti: Kalunga Tate okua tunu ndje ndi igidile oonkuatua emanguulo — — — nokute-mbuda mo oonakuhepela (Luk. 4:18.) Eno ngoje muen-ue oti ilongele shili ekano, ngashi to ti. Ihe Jesus okue ku longele ehupico. Ila ku shika, Jesus okue shi ku longele. Ila ngashi u li. Eitaalo oljo okuja ku Jesus noondjo. Mu Jesus omukoloko shi ta ningua ta vulu okuja mu Paradisa.

Ongoje u uvite oondjo doje tadi ku hepeke, da tema nokuli oheli mu ngoje. Ku na shilue u shi ninge, aue, oshino ashike u itaale Jesus, oje ekulilo ljoondjo detu, no doje uo. Oondjo sho de ku lemeke ngeji, ito vulu sha ue, kongu omukriste omukhene ue mu inekele, u mu hempululile oondjo doje, oje e ku igidile edimo po ljoondjo, to li peua ku Jesus mombinzi je. — Muka mOuambo omu na aakriste ojendji taje mu galikanene. Ondi uete moohapu dino deni Ombepo Ondjapuki okua tameke oku mu penduca shili.

Ombepo Ondjapuki ja Kalunga inamu mu nika uucigua oshoka oje e mu tulua oshihako sigo esiku ljekulilo. Ef. 4: 30.

## ONZAPO JOMUGUNDJUKA.

Aakuetu aaholike mu Kristus Jesus! Ongame o-tandi hambelele Kalunga kandje sho a penduca sha momuenjo guandje momvula ndjika. Ondi shi shi okua kondjele ndje no naale, ihe inandi mu dimbulula. Ongame omukriste nda valelua muukriste, ihe muukriste mbuno nda kala mo oshikuacangundu shouala, nda njengua okuguanica ompango jomohapu da Kalunga nokulandula oonkatu dOmukulili guandje. Ihe nando nda kala muuposi mbuno, Omua guandje, ngoka e hole ndje, ini iteka ndje. Aue, onke nga ta kelelele ndje ndi galukile kuje. Mokrisemesa jonumvo mungame mue ja sha no nda fandu uvitelela eui tali ti: „Omu-muandje, penduka,” nondi shi shi okui icana ndje naale.

Okonena ndika ndi uvite shili ondjala jokomuenio, nohandi julukua koshilando shaandjeto.

Eeno ojakuetu, tu matukileni pekota tuu ndjoka lomushigakano, omanga etango inali tu tokela, ne-cimbo efupi nokuli ngashingeji.

Eeno, Omua a tonatica ndje kashona, nonda hala nokuhalelela ndi tonaticue shili omeho ga pue mo. Opo ndi uape okumona omusita guandje, noje a citulule omakutsi gandje gokomuenjo, opo ndi uape oku mu uva. Omua natu mu konge, e tu ete mongundu jesimano.

Joel Nangolo, Swakopmund,

## IIHUNA JIKOLICA.

Nani manga tu li momasiku gokuhepekua kuOmukulili, tatu ipula Omua Jesus ota hepekela shike?

No tatu mono ejamukulo: Omua Jesus ota hepekela oondjo detu. Nani opu na jamue isheue momasiku tuu ngoka omanene je li po ja tsika omeho gomeitaalo okiikolica. Momasiku tuu

ngoka omukriste gumue, omukulukadi nokuli, okue ja megumbo ljomuene guomukunda moka tamu gongala omagongo, nokua nu unene. Opo mpoka a kolua nokua tameke okulila kashona, naanaa ngashika a tamekele okunua uo kashona, sigo ta lili ihe mokule. Nokulila kue ota ti: „Jaaje, egongalo, jaaje egongalo!” Na ota ti isheue: „Opasa! opasa! Otu li mopasa jo opala.”

Jaakuetu, onda tila keigido ljonkolue nguka. Onke te ti: Omukuetu ngoka ino tsikicua omeho goje gomeitaalo okiikolica, tila shili iikolica. Galikana kOmua Jesus e ku mangulule miuhuna mbi.

Leo Nuugulu.

## KAAMUAMEME MEHALAKANO.

Nda hala ndi mu talele po mOmua. Nangame uo gumue gueni. Onda tseja naua oocina domehalakano.

Manga nda li mu Mariental, omo moka nda kala omvula jimue netata. Omo nda kala Kalunga a tula ndje ndi tale uujuni nke u li po. Omuenjo gua senota nondjala joohapu da Kalunga. Nando nda ji mongerki oluindji, omuenjo inagu kuticua nande, unene omolu uuinaji uaantu nda li mokati kauo.

Ngashingeji nda hala ndi mu tse omukumo, omolu oohapu da Simon Kafupi. Eeno, Kalunga e ku edilile moshigunda shaa shi shaandjeni, moka uulunde muukeenakonashanakalunga tau guanicua. Omujelici gueitaalo ljetu M. Luther ta ti: „Ote itatu vulu okukelela oodiia di tuke kegulu andola, aue, itatu eca ashike di jale iihadila jado komitse detu.” Kokutja aantu joshigunda shika katu vulu oku ja tedululica. Ihe itonatela ngoje muenue uaa dimbue Kalunga koje.

Oshoka mokuja ko kuoje ongoje ondjendi jouala, kaku shi kaandjeni. Diginina ano shoka shaandjeni. Lsha Ehol. 3: 11—12.

Omakundo gombili, kuume keni mOmua,

Risto Kueenda.

## ONGENDA JOVANJASA VANDOLA.

Otua enda okupopja efjo lOmue, omalumbo a imbua. Mosali omujevangeli okua ti: Ou ta tale komusjakano uOmue, oje e na omuenjo ualuse. Monanandi ovanjasa va imba omalumbo oluhodi. Ovan-tu ova dimbulukua kutja nena efio lOmukulili. Nopa li omapenda meendjovo da Kalunga a udufila ovan-tu. Otu kumua ne koilonga ja Kalunga. Okua li tu je meumbo limue. Omue ueumbo i itumu. Opo ne tua ifanua komukuetu umue ta vele. Fje ota ja ko notua ninga eudifo movantu. Mokusuna kuetu eendjovo de tu hanga mondjila: Omukueni a hulifa ouenda uaje 23. 3. 51. Omualikadi ou, Paulina ja Shikongo, okua li ependa mukriste, nande a kala noudju ueumbo, ina limbililua fiyo efio laje. Omukuetu kondja ngasi Paulina a kondja.

J. Neuaju.

## OSHITUCI SHEKOLEKO.

Mu Swakopmund mua kolekua aauambo 28. ete 4 lja Maart.

David Shikusinde ota hokolola nkene aasumi je, li ko: oofeilani Ilmi Laitinen na Marja Vaisala nefolo Kaija Suominen naanaa je li pujo, ojo ji icana aakolekua ajehe kegumbo lja. Pua kala enjanju enene nomapukululacano omauanaa, nkene tu nokuenda nondjila juukriste.

## OLUHEPO LUOSHDUMO

Omugundjuka omutakumi, edina lje oljo Salmi oku noshimpuju omolu aauambo taa ja Kuushimba, no kaje shi shi elaka ljiilumbu. Onke oje a hala okulombuela aanona naa je kooskola, opo ja longue omalaka giilumbu ja uape okuhupica niilonga. Tu galikaneni Kalunga a kuace aanona ji ilonge naua.

## OCINGE JA KUKU AMUTSE.

Omusamane Lehto sho kua li a lala muuyue ua hugunina, okuume ke e ja oku mu talele po, noje ota hokolola oonkundacana dauo ngeji:

Onde mu pala: u uvite oluhodi sho ino uapa ue okucika kOuambo?

Aue, kandi noluhodi. Kalunga ina pumbwa ndje ue mu Afrika. Ote ciki mbala kegumbo.

Oto tila okukonda eso, ngu cike muujuni ulue? Aue, kandi netilo, oshoka Jesus oku li mpaka. Oje a kuata ndje koshikaha, oje ote endica ndje.

Mokupopja ngaaka omujenda oku uvite, nkene e-jambeko, nombili netalaleko ljomegulu lje ja kundukida shili. Egu'u olja kulukile ko pamue na Jesus.

Omusamane Lehto okua li e hoole aagundjuka. Oje sho ina uapa ue oku ja popica, okua lombuele okuume ke e ja falele omakundilo e ga diladila pombete je, oje okua ti: Lombuela aagundjuka, omuntu ta vulu okukala e noocinge di li ndatu.

Jotango ji li pomimvo duugundjuka. Ja jombuela omimvo doka naje di longice naua, oshoka tadi piti mbala, no itadi galuka ue.

Ocinge ontijaali taji ja kuamboka ajeke taa taa-mba Jesus, oshoka oje ote ji eta. Ocinge ndjoka nde ji tameke muugundjuka uand'e, no natango ndi li mujo. Ocinge ndjoka inaji hula po, no inaji pita, Lombuela aagundjuka, oje ngele inaa hala okukujupa, naa konge ocinge ndjika jopambepo mu Kristus.

Ocinge ontitatu, opo tandi ji ada ngashingeji. O-ndi li po tandi ukile muujelele no momuenjo. Olu'u tatu nkundipala ngashingeji, iikujja itandi ji makele ue, omeho otaga tsika, ihe ocinge jaaluhe taji tegelele ndje. Itand' ukile meso, aue, omomuenjo tuu. Lombuela aagundjuka, ngele je na Kristus, oje itaa ka mona eso nando esiku jimue.

Ogo omakundilo ge. Noshu ngeji tua lalekacana naje sigo tatu ka monacaneni megulu.

OMUKIINTU TA SIMANEKE JESUS.

Mat. 26:6—13.

Omukiintu nguka okue ja megumbo moka Jesus e li mo ta jakulua nokuli koshililo. Ihe omukiintu nguka ota holoka mo uo e nekende li nomagadi ge nondilo shili na gua nika naua uo. Oshike shi li mokukalamuenjo kuomukiintu ngujaka? Oje ta ciminikua kohoole jomeni okutala Omuaa gue, sho ta kundacana a hepekue.

Omukuetu, ua dimbulula tuu shika omukiintu ta longo, oshilonga oshinene nosha pumba uo shili. Omuguajo nguka ogu nondilo na oqua shili kagu shi etata lja jelekela omiguajo, ihe oguo elela gu uda na tu gu tje guajamba, oguo ano ngo omukiintu a tile komutse gua Jesus.

Inandi hala onala okunjola ando oshinima shika, aue, oshoka nda dimbulula shoka shi li momuenjo guomukiintu ngujaka osho okuitaala, neitaalo oljo tali longo iilonga mbika. Oshoka eitaalo lja niilonga olja sa shili. Ihe ndjoka li niilonga oli nomuenjo. Omuaa Jesus ota ti: Okue shi ningile efumviko ljangje. Oluindji ngame di imono nkene nda kala omuheci moshinima shika shokuhepekua kua Jesus. Oshoka nda diladila oje ngoka a kuca po oondjo dandje; ngame itandi pumbua ndi ninge ue sha. Shaa tuu tandi inekele, oje oku noonkondo dokukuaca ndje. Ee, osho shili, nani ta tege ndje uo ndi mu ningile uanaua uunene, ndi guajeke omutse gue nomagadi gondilo. Ogo okuhoola nguka ta sekua ngeji.

Oluindji aantu tua dana opassa nokunua kuouala e tatu kanica uupjuhoole jetu jokutala nguka omukeenoondjo ta hepa ngeji moluetu. „Ombinzi nde ku pe. Oshike ua pele ndje?” Omukiintu a gandja omagadi ga nika naua. Otse tua gandja shike? Lesha Joh. 4:29. Tu igandje meihempululo lja shili li nezimino.

Th. Nakanjala.



Sakeus Mela, ku Windhoek, te tu hokololele nkene onganga omufundja omupagani noje uo kua tseja kutja uukriste ua sindi iifundja nomakoto guupagani agehe.

Filippus Shokodjove, Johannes Amukuju mu Orange Mouth, Simson Moses kOkahandja na Salomo Cininika, Outjo, otaje tu dimbuluca nkene eso li li pu tse aluhe no tali tu akele manga inatu li tegelela.

Julius Iilonga, ku Windhoek, te tu hokololele nkene je li po ja fa oonzi daa nomusita mu Windhoek. Oje ta njanjukua sho Kalunga kua monno oluhepo luauo no ja tuminua omulumentu te ja pukulula.

Friedrich David, mu Tsumeb, okue tu dimbulukifa osiponga si li mokuhakana oupuna uounjunu ou. Tu taleni ntumbi osipuna sinja sa ningua na Lasarus apa a tualua kovaengeli.

E. H. Bullyson, te tu kumaida tu fije po eerkeki dikulu, fje tu djaleri oikutu ja kosua mohonde jCdjona.

Tobias Nuujoma mu Windhoek a njanjukua sho pue ende aajenda, aasrane aakuanjama mboka je ja kunida noohapu da Kalunga.

S. V. Kaulinge, Windhoek, te tu dimbulukifa okutala oinima ine, oje ei: Ota pumbua eh pifo, ndele tete u nokudalululua. — Ito dulu okulihupifa ove muene. Kape na umue uomovantu ta dulu oku ku hupifa. — Omueene Jesus okua ninga oikalja joje. Jesus a fja lumue aluke omolu ovalunde, opo e tu tuale ku Tate Kalunga. 1 Petr. 3:18. — Omueene Jesus okua dula oku tu pa eenkono, tu ha uile ondijlakati, tu fike mOujapuki uaje nehafo. Judas. v.24.

K. Augustus Shailemo mu Tsumeb, ote tu lombuele tu lungame osiponga tasi di moikolifa. A tumbula nokuli ookaume vaje vavali va tuaalelua kosiponga esi.

Johannes ja Jason mu Walvisbay, ote tu dimbuluca kutja omalutu getu ogo egumbo ljOmbepo ja Kalunga. Ogo ano inatu ga njateka.

Salomo Hamualua, Ondobe, ote tu kundu ta ti: natu lidilulule moule uomuenjo.

Frans Shikongo oku noluhodi omolu ovamati va puiduka koipala ava va longua ngashi ava inava longua. Tu efeni oinima jounjuni. Omueene ote ja paife.

Hosea Leonard te tu kumagida ta ti: Konda u ade ecikilo ljoje.— Joh. Kandadi a hala tu dame Omueene uetu Jesus. — J. J. Prensloo, Upington, ote tu dimbuluca ohenda ja Kalunga taji tu guanene. — Viktor Vilho te tu dimbuluca tu pandule Kalunga molua uanaua e u tu ningile.

Johannes Nedundja, Gobabis, ota hokolola nkene oja njanjukua uunene sho ja taleluapo kaa-jevangeliste jatatu.

Natanael Hamualua ota ti: Tu kondjeleni oshishani shomuenjo.

Andreas Sakaria na Lisias Iipinge mu Grootfontein otaje tu kundu nelaka tali ti: Pu ngoje Kalunga omuenjo guandje tagu kongo e ameno.

A. Kandume, Otjwarongo, a njanjukua kOua-mbo sho kua zi aakuaci taa kuaca moshilonga shOmuaa.

Jonatan David te tu lombuele kutja Jesus a hala a peue uunjasha uetu.

Abeli Jesaja te tu dimbuluca tu kotoke oshoka omutondi oku noomuigo odindji,

Sosipater Mateus, Abenab, ota hokolola enjanji lje Omuaa sho e mu holokele megalikano.

T. Hamulondo, Otjwarongo, a hala tu penduke meempoti defjo noulude tu siive okuuja komushiakano uOmueene uetu Jesus.

Sakeus Engova a haluka, sho a mono omuntu a tetua kemanja mokuhiika ondiamaarde.

Frans Shikongo a nana tu oopelele Jesus, ngashi aamati ja hala okuopalela oojete mboka taje ja lungele.

Petrus Katele ota galikana Omuaa e tu pe oonkondo deitedululo tu ninge aana ja Kalunga.

S. J. Paulus, Onguediva, a njanjukua omolua shoka mu Jesus otaa peua uujelele u' uujuni.

Petrus Salomo, Omaruru, te tu lombuele, ta ti: Tu longeleni Omuaa nomuenjo guashili.

Timoteus Haungenda, Outjo, a hala tu simaneke Kalunga.